



UNIVERSITÄTS-
BIBLIOTHEK
PADERBORN

Universitätsbibliothek Paderborn

Evsebivs || De Euangelica pr[a]eparatione

Eusebius <Caesariensis>

[Augsburg], 1522

VD16 E 4299

Quod omne genus hominu[m] ad ueritate[m] uocandu[m] est Cap. xxij

urn:nbn:de:hbz:466:1-34477

lite confidere in principibus, in filijs hominum, quibus non est falsus. Exibit spiritus & abibit in terram suam, in illa die perdentur omnes cogitationes eius.

Quod nonnunquam falso ad utilitatem audientium utendum est. CAPVT XXI.

Non autē inquit Plato alienum a grauitate sua legillator putabit falso aliquid ac fere inepte ad utilitatem iuuenum dicere, maxime si quod falso dicitur audientes ita trahat, ut non ui, sed sponte iustitiā uelint suscipere, solidum enim bonum ueritas, sed nō ita facile plerumq; persuadet. Innumerabilia huiusmodi uerba sunt in scriptura, ut puta, quādo poenitere deum, aut dormire, aut irasci, aut alijs perturbationibus ferri scribitur, quæ quamuis altius interpretata non procul a ueritate sint, uerba tamen ipsa uel terrendo, uel permulcendo non nihil profint illis, qui altiorē uestigare sensum nequeunt.

Quod omne genus hominum ad ueritatem utendum est. CAPVT. XXII.

Recte in superioribus Plato inquit uiros & mulieres, liberos & seruos, iuuenes & senes, sic disciplinam ciuilem dictum est, amplecti oportere, ut nunquam cessent uarijs modis atq; carminibus, quæ diximus decantare. Et in quinto de republica. Nihil inquit o. Theodore ad gerendam rempublicam pertinet, quod ad mulierem, quia mulier non pertineat, aut ad uirum pertineat, quia uir. Sed cum una natura utriusq; animalis sit, quæ ad uirum natura, hæc ad mulierem etiam natura pertinet, Est autem in omnibus imbecillior uiro mulier. Vtrum igitur uiris omnia, mulieribus uero nihil concedemus? non recte inquam. Recte inquit dicis, nam mulier alia medica esse potest, alia musica, alia ad utrumque inepta natura. Similiter alia bellicosa, alia non, Alia philosophus, & alia non, Alia magni animi, & alia pusillanimis, & alia ad custodiendam ciuitatem nata, alia non, sicuti & uir. Eadem enim est utriusq; natura, præterquam quod altera imbecillis, & altera robusta, quare similes natura mulieres ad cohabitandum, simulq; rempublicam gerendum uiris danda sunt. Decet enim ut natura similes potius quam dissimiles conueniant. Hæc re ipsa apud Iudæos

Iudæos factitata cognouimus. Docet enim eorum historia nonnul-
las mulieres uirtute atq; prudentia ciuitatem ab hostibus liberasse.
Doctrina quoque nostra omne genus hominū tam uirorum quam
mulierum, liberorum simul & seruorum, Græcorum aliquantulum ac
barbarorum, paruulorum ætate ac senum, in hoc diuino ueroq; phi-
losophandi genere nostro libenter suscipitur.

Quod etiam de Salomonis parabolis Plato multa accepit.

CAPVT XXIII.

IN parabolis Salomonis memoriā iusti laudibus efferi, & no-
men impiorū extingui breuiter atq; commode dicit, similiter
dictum est, ne beatum aliquē putes anteq̃ moriā. Audi ergo
quomodo hanc ipsam rem latius in septimo de legibus posuit
plato. Quicumq; inquit ciues p̄clare laboriosq; aut animo aut cor-
pore gesserint, legibusq; semper obtemperantes fuerint, laudibus
post mortē efferi oportet; uiuos em̄ laudare anteq̃ e uita exierint,
ac bonorum operum finem imposuerint tutum non est. Hæc non
de uiris solum, uerum etiam de mulieribus intelligendū censeo. Di-
uitias atq; paupertatem ne mihi des, in parabolis Salomon dixit. Pla-
to quoq; in tertio de re publica. Iam diximus inquit quæ custodes
ac magistratus ciuitatis diligenter pellere semper debēt, curareq; ne
aditum in ciuitatem habeant, quæ ista inquit sunt. Diuitiæ inquam
& paupertas, altera nancq; delicias, ocium, & factiones afferunt; al-
tera illiberalitatem, malignitatē, & factionem. Malignitatem uero
appello operationem infamem. Moses in legibus patrem atque ma-
trem scripsit, unusquisq; timeat. Et alibi dicitur. Honora patrem &
matrem, ut bene tibi fiat, quæ ambo in libro de legibus Plato cōiun-
xit. Unusquisq; inquit nili mente captus sit, & timet, & honorat pa-
rentes. Et rursus. Seniores re & uerbo unusquisq; uereatur, & si ul-
tra. xx. annos excedunt, tanquam parentes honoret.

De seruis. CAP. XXIII.

CUm Moses Hebraum Hebrao seruire in decēs duxerit,
& si acciderit septimo anno, liberum emitti iusserit. Pla-
to in libris de re publica, Græcum Græco seruire prohi-
bet dicens. Nec Græcum seruū habeas, & cæteris Græcis
similiter facere cōsulat, sic em̄ ad barbaros Græcia & sa facilius a se ipsa
abstinebit.